

signationem atque perpetrationem contulerit. Præterea *judice Dn. D. Pfeiffero Dub. Vexat. p. 292.* rem acu minime tangunt nugivenduli recutitorum Magistri, docendo, peccatum in eo fuisse, quod quasi illuserit sancto populo; aut, quod voluerit aquam educere ex alia petra, quam ea, e qua producere iustus erat; aut, quod Israëlitas vocarit stultos, scil. מַרְיָם, μαργαρίταις; cum potius rebelles a rad. מרה sic denominentur.

§. 10.

*Hottingerus in Smegmate Orientali p. 450. & seqq. μῦθον* ejusmodi σοφοφισμένον ex Schallsch. Hakk. profert: *Dixit Deus Ben. Mosi: Sume baculum, & congrega cœtum &c. Num. 20, 8.* ubi vocabulum מַרְיָם multitudinem notat, & exigua fide præditos, quemadmodum dicitur de iis: *Quousq; (Num. XIV, 27.) cœtum istum malum? Nam coram illis opus habeo declarare majestatem meam; coram Synedrio vero (הקהל) quo nomine intelliguntur Seniores & Sapientes seculi, non necesse habeo, quia illi me jam norunt & credunt in me. Moses vero & Aaron non crediderunt, meritum congregationis universæ tanti esse æstimii, ut conferrî possit cum merito eorum, & mutari petra in aquam; proinde non convocarunt (מַרְיָם) congregationem plebis; sed: Et convocarunt Moses & Aaron cœtum (קהל) i.e. Principes & Sapientes, quos explorate perspectû haberent esse justos, ac proinde miraculo dignos. Postea Moses sublato baculo bis percussit (petram) semel suo merito vel justitia; iterum merito Aaronis & totius (Procerum) cœtus. Succensuit autem Deus Bened. PROPTEREA, QVOD NON VOCAVIT CONGREGATIONEM POPVLI, QVOD TAMEN IVSSISSET; utpote qui in honorem illius congregationis eos appellavit filios Israël, quod utique nomen ad illos (plebejos cœtus Israëlitici) referri debet: illi autem non credebant, Deum populo, qui non esset dignus, probare suam misericordiam.*

§. 11. Psal-